

ՍՈՒՐԲ ՊԱՏԱՐԱԳ
ՀԱՅԱՍՏԱՆԵԱՅՑ ԱՌԱՔԵԼԱԿԱՆ ՍՈՒՐԲ ԵԿԵՂԵՑԻՈՅ

ՊԱՏՐԱՍՏՈՒԹԻՒՆ

ԳՊՐ. Խորունկ, անհասկնալի եւ անըսկիզբ խորհուրդ, ո՛վ Աստուած, որ վերին թագաւորութիւնը զարդարեցիր իբրեւ հարսնարան անմատչելի լոյսին, եւ գերապանծ փառքով զարդարեցիր հրեղէններու դասերը: *

Երկնաւոր Թագաւոր, անսասան պահէ քու եկեղեցիդ եւ խաղաղութեան մէջ պահէ քու անունիդ երկրպագուները:

ՔՀՆ. Սրբունհի Աստուածածինին բարեխօսութեամբ, Տէ՛ր, ընդունէ՛ մեր աղաչանքը, եւ փրկէ՛ մեզ:

ՍՐԿ. Սուրբ Աստուածածինը եւ բոլոր սուրբերը բարեխօս դարձնենք Հօրը քով, որ երկինքն է, որպէսզի յօժարի մեզի ողորմիլ, եւ գթալով փրկէ մեզ, իր ստեղծածները: Ամենակալ Տէր, մեր Աստուածը, փրկէ՛ մեզ եւ ողորմէ՛ մեզի:

ՔՀՆ. Տէ՛ր, ընդունէ՛ մեր աղաչանքները՝ սուրբ Աստուածածինին, քու միածին Որդիիդ անարատ ծնողին բարեխօսութեամբ, եւ խնդրանքովը բոլոր սուրբերուն, եւ այսօրուան յատուկ շնորհքովը: Լսէ՛ մեզ, Տէ՛ր, եւ ողորմէ՛ մեզի: Ներէ՛, քաւէ՛ եւ թողութիւն շնորհէ մեր մեղքերուն:

Արժանի ըրէ շնորհակալութեամբ փառաւորելու քեզ, Որդիիդ եւ Սուրբ Հոգիիդ հետ, այժմ եւ միշտ եւ յաւիտեանս յաւիտենից: Ամէն:

Մեղանչած եմ Աստուծոյ առջեւ: Կը խոստովանիմ՝ Աստուծոյ, սրբունհի Աստուածածինին, բոլոր սուրբերուն եւ ձեր առջեւ, հայրեր եւ եղբայրներ, գործած բոլոր մեղքերս. որովհետեւ մարդկօրէն մեղանչած եմ մտածումով, խօսքով թէ գործով: Այո, մեղանչած եմ, կ'աղաչեմ ձեզի, Աստուծմէ թողութիւն խնդրեցէք ինծի համար:

* Երբ պատարագիչը եպիսկոպոս ըլլայ, դպիրները կ'երգեն.

ԳՊՐ. Հրաշափառ եւ միշտ բարեխնամող Աստուած, դուն կանխագիտութեամբ Հայաստանի փրկութիւնը սկզբնաւորելով պարթեւական մեղապարտ ազգէն լուսաւորիչ շնորհեցիր. ուստի անոր բարեխօսութեամբ, ո՛վ Փրկիչ, փրկէ մեզ այժմ եւ ահաւոր գալուստիդ ատեն:

ՔՀՆ. *Թող հզօրն Աստուած ողորմի քեզի եւ թողու՞թիւն շնորհէ անցեալ թէ ներկայ բոլոր յանցանքներուդ, ապագայ մեղքերէն փրկէ եւ բարեգործութեան մէջ հաստատէ քեզ, եւ հանդերձեալ կեանքի հանգիստին արժանացնէ: **Ամէն:**

ՔՀՆ. Մարդասէրն Աստուած թող ձեզ եւս ազատէ եւ թողու՞թիւն շնորհէ ձեր բոլոր յանցանքներուն. թող առիթ տայ՝ ապաշխարելու եւ բարիք գործելու, ✠ եւ Սուրբ Հոգիին շնորհքով ուղղէ ձեր կեանքը, ինք՝ որ հզօր է եւ ողորմած. յաւիտեան փա՛ռք իրեն: **Ամէն:**

ԴՊՐ. Մե՛զ ալ յիշէ Աստուծոյ անմահ Գառնուկին առջեւ:

ՔՀՆ. Պիտի յիշեմ ձեզ Աստուծոյ անմահ Որդիին առջեւ:

Սաղմոս 100

ԴՊՐ. Տիրոջ աղաղակեցէք, ամբողջ աշխարհ: Ուրախութեամբ ծառայեցէք Տիրոջ:

Ցնծու՞թեամբ եկէք անոր ներկայութեան: Գիտցէք, թէ Տէրը ի՛նքն է Աստուածը:

Ա՛ն մեզ ստեղծեց, եւ մենք անորն ենք. իր ժողովուրդն ենք, այն հօտը՝ որ ինք կ'արածէ:

Գոհաբանութեամբ մտէք անոր տաճարը, օրհներգութեամբ մտէք անոր շրջափակէն ներս:

Շնորհակալութիւն յայտնեցէք իրեն, օրհներգեցէ՛ք իր անունը:

Բարի է Տէրը, անոր սէրը յաւերժական է: Եւ բոլոր սերունդներուն կը ցուցաբերէ իր հաւատարմութիւնը:

Փա՛ռք Հօրը եւ Որդիին եւ Սուրբ Հոգիին:

Այժմ եւ միշտ եւ յաւիտեանս յաւիտենից: **Ամէն:**

ՍՐԿ. Սուրբ եկեղեցիին ապաւինելով աղաչենք Տիրոջ, որ անով մեզ ազատէ մեր մեղքերէն, եւ փրկէ իր ողորմութեամբ: Ամենակալ Տէր, մեր Աստուածը, փրկէ՛ մեզ եւ ողորմէ՛ մեզի:

* Եթէ այլ ֆահանայ չկայ, սարկաւազը կ'ըսէ.

ՍՐԿ. Արդ եկե՛ք բոլորս միասին խոնարհ հոգիով, գղջումնալից սրտով եւ արցունքով ծունկի գանձ մեր Տիրոջ եւ արարիչին դիմաց, որ պէսզի իր բարեբարութեամբ՝ մեզ գերծ պահէ իր ցասումէն, մեր յանցանքներուն արժանի պատիժէն: Ամենակալ Տէր, մեր Աստուածը, փրկէ՛ մեզ եւ ողորմէ՛ մեզի:

ՔՀՆ. Այս տաճարին մէջ կանգնած, երկիւղածութեամբ կը խոնարհինք եւ կ'երկրպագենք աստուածակիր սուրբ խաչերուն ու լուսապայծառ այս սրբավայրին առջեւ. կ'օրհնենք եւ կը փառաւորենք քու սուրբ, հրաշալի եւ յաղթող յարութիւնդ: Եւ գոհութիւն եւ փառք կ'ընծայենք քեզի, Հօրը եւ Սուրբ Հոգիին հետ միասին, այժմ եւ միշտ եւ յաւիտեանս յաւիտենից:
Ամէն:

Հոն սեղանիդ քով պիտի գամ, ո՛վ Աստուած, դուն՝ որ զիս կ'ուրախացրնես երիտասարդութեանս մէջ:

Սաղմոս 43

ՍՐԿ. Արդարութիւն ըրէ ինծի, ո՛վ Աստուած, եւ իրաւունքս պաշտպանէ:

ՔՀՆ. Անհաւատ մարդոցմէ, նենգաւոր ու անիրաւ մարդոցմէ փրկէ՛ զիս:

ՍՐԿ. Դուն ես նեցուկս, ո՛վ Աստուած, ինչո՞ւ համար զիս կ'անտեսես, ինչո՞ւ համար տրտում ըլլամ երբ թշնամիս կը նեղէ զիս:

ՔՀՆ. Տէ՛ր, լոյսդ եւ ճշմարտութիւնդ դրկէ, որպէսզի զիս առաջնորդեն եւ հանեն քու սուրբ լեռդ, տաճարդ՝ ուր կը բնակիս:

ՍՐԿ. Հոն սեղանիդ քով պիտի գամ, ո՛վ Աստուած, դուն՝ որ զիս կ'ուրախացնես երիտասարդութեանս մէջ:

ՔՀՆ. Եւ քնարով պիտի գովերգեմ քեզ, ո՛վ Աստուած, իմ Աստուածս:

ՍՐԿ. Հետեւաբար, ինչո՞ւ տխրիմ, եւ կամ ինչո՞ւ խռովիմ. Աստուծո՛յ պիտի յուսամ եւ վերստին գովերգեմ զայն, ըսելով.- «Փրկիչս ես դուն, իմ Աստուածս ես»:

ՔՀՆ. Փա՛ռք Հօրը եւ Որդիին եւ Սուրբ Հոգիին:

ՍՐԿ. Այժմ եւ միշտ եւ յաւիտեանս յաւիտենից: **Ամէն:**

Տիրոջմէ խաղաղութիւն աղերսենք դարձեալ: Օրհնենք ամենակալ Աստուածը, մեր Տիրոջ՝ Յիսուս Քրիստոսի Հայրը, որ մեզ արժանի ըրաւ

*փառաբանութեան այս վայրը գալու եւ հոգեւոր այս երգերը երգելու:
Ամենակալ Տէր, մեր Աստուածը, փրկէ՛ մեզ եւ ողորմէ՛ մեզի:*

*ՔՀՆ. Այս սուրբ յարկին մէջ, եւ փառաբանութեան այս վայրին մէջ, որ
հրեշտակներու բնակարան է եւ մարդոց՝ քաւութեան վայր,
երկիւղածութեամբ կը խոնարհինք եւ կ'երկրպագենք աստուածակիր
սուրբ խաչերուն եւ լուսապայծառ այս սուրբ սեղանին առջեւ. կ'օրհնենք
եւ կը փառաւորենք քո սուրբ, հրաշալի եւ յաղթող յարութիւնդ, եւ
երկնային զօրքերուն հետ միասին օրհնութիւն եւ փառք կ'ընծայենք քեզի՝
Հօրը եւ Սուրբ Հոգիին հետ միասին, այժմ եւ միշտ եւ յաւիտեանս
յաւիտենից: Ամէն:*

ՆՍՏԻԼ

Երբ պատարագիչը եպիսկոպոս է, դպիրները կ'երգեն.

*Աստուծմէ ընտրուած, ո՛վ երանելի սուրբ քահանայ. դուն՝ նմանը
Ահարոնին եւ Մովսէս մարգարէին: Անոր՝ որ յօրինողն էր այն
զգեստներուն, որ Ահարոն միշտ կը հագնէր եւ որ կը բաղկանար չորս
նիւթերէ՝ կարմիր, կապուտակ եւ ծիրանեգոյն բուրդէ եւ բեհեզէ:.*

ՄԵՂԵԴԻ Յարութեան

*Յարուցեալ անմահին գերեզմանին մօտ, երկնային հրեշտակը այսօր կը
գոչէ.՝ Քրիստոս յարեալ, Քրիստոս ելալ՝ կոյս գերեզմանէն, լոյս
գերեզմանէն:*

*Պահակները ահաբեկ զարհուրեցան, որովհետեւ նորափոր տապանէն
Քրիստոս յարեալ, Քրիստոս ելալ՝ կոյս գերեզմանէն, լոյս գերեզմանէն:*

(Այլ մեղեդներ տես էջ 38)

ՈՏՔԻ ԿԱՆԳՆԻԼ

ՃԱՇՈՒ ՊԱՇՏՕՆ
ԹԱՓՕՐ
Խնկարկույթեան Շարական

*ԴՊՐ. Կոյս մօրդ բարեխօսութեամբ՝ ընդունէ՛ քեզի ծառայողներուս
աղաչանքը, ո՛վ Քրիստոս, դուն՝ որ երկինքէն աւելի գերազանց կերպով
պայծառացուցիր սուրբ եկեղեցին քու արիւնովդ, եւ երկնային
հրեշտակներուն օրինակով, անոր մէջ կարգեցիր առաքեալներու,
մարգարէներու եւ սուրբ վարդապետներու դասերը:*

*Այսօր բոլոր քահանաներս եւ սարկաւագներս, դպիրներս եւ
ժառանգաւորներս հաւաքուած՝ խունկ կը մատուցանենք քեզի, ո՛վ Տէր,
ճիշդ անցեալին՝ Չաքարիային օրինակով: Ընդունէ՛ մեր խնկանուէր
աղօթքները, ինչպէս ընդունեցիր Աբելին, Նոյին եւ Աբրահամին ընծայած
զոհերը: Վերին զօրքերուդ բարեխօսութեամբ՝ միշտ անսասան պահէ
Հայոց Աթոռը:*

(Այլ շարականներ տես էջ 38-48)

ՍՐԿ. Օրհնէ՛, տէ՛ր:

*ՔՀՆ. Օրհնեալ ըլլայ Հօրը եւ Որդիին եւ Սուրբ Հոգիին թագաւորութիւնը,
այժմ եւ միշտ եւ յաւիտեանս յաւիտե-նից: Ամէն:*

ԺԱՄԱՄՈՒՏ
Կիրակի Օրերուն

*ԴՊՐ. Միածին Որդի, Բան Աստուած, անմահ էութիւն, որ յանձն առիր
մարմնանալ սրբուհի Աստուածածինէն, միշտ Կոյսէն: Դուն՝
անփոփոխելիդ՝ մարդանալով խաչուեցար, ո՛վ Քրիստոս, մեր Աստուածը,
եւ մահովդ մահը նուաճեցիր: Դուն՝ Սուրբ Երրորդութեան
անձնաւորութիւններէն մէկը, փառաւորակիցը Հօրը եւ Հոգիին, փրկէ՛
մեզ:*

(Այլ ժամամուտներ տես էջ 40-41)

ՍՐԿ. Տիրոջմէ խաղաղութիւն աղերսենք դարձեալ: Ընդունէ՛, Տէ՛ր, փրկէ՛ մեզ եւ ողորմէ՛ մեզի: Օրհնէ՛, տէ՛ր:

ՔՀՆ. Օրհնութիւն եւ փա՛ռք՝ Հօրը եւ Որդիին եւ Սուրբ Հոգիին, այժմ եւ միշտ եւ յաւիտեանս յաւիտենից: Ամէն: X Խաղաղութիւն բոլորին:

ԴՊՐ. Նաեւ քու հոգիիդ:

ՍՐԿ. Աստուծոյ երկրպագենք:

ԴՊՐ. Քեզի կ'երկրպագենք, Տէ՛ր:

ՔՀՆ. Տէ՛ր, մեր Աստուածը, կարողութիւնդ անքննելի է, փառքդ՝ անըմբռնելի, սէրդ անչափ է, գթութիւնդ՝ անսահման: Քու առատ մարդասիրութեամբդ նայէ՛ այս ժողովուրդին, որ քուկդ է, եւ այս սուրբ տաճարին, եւ առատօրէն քու սէրդ եւ գթութիւնդ պարգեւէ մեզի եւ մեզի հետ աղօթողներուն: Որովհետեւ քեզի կը վայելեն փառքը, իշխանութիւնն ու պատիւը, այժմ եւ միշտ եւ յաւիտեանս յաւիտենից: Ամէն:

ՃԱՇՈՒ ՇԱՐԱԿԱՆ **Սուրբ Յարութեան ԱԶ.**

Գովաբանէ՛ Տէրը, ո՛վ Երուսաղէմ:

Քրիստոս յարութի՛ւն առաւ մեռելներէն. ալէլուիա՛:

Եկէ՛ք, ժողովուրդներ, օրհնութի՛ւն երգեցէք Տիրոջ. ալէլուիա՛:

Անոր՝ որ յարութիւն առաւ մեռելներէն. ալէլուիա՛, եւ աշխարհը լուսաւորեց. ալէլուիա՛:

(Ճաշու այլ շարականներ տես էջ 42-45)

ՔՀՆ. Որովհետեւ յաւիտեան քուկդ են կարողութիւնը, զօրութիւնը եւ փառքը: Ամէն:

ՍՐԿ. Ուշադի՛ր եղէք:

**ԴՊՐ. Սո՛ւրբ Աստուած, սուրբ եւ հզօ՛ր, սուրբ եւ անմա՛հ, որ մեռելներէն
յարուլթիւն առիր, ողորմէ՛ մեզի: (Երեք անգամ)**

**Աւետումին եւ Ծննդեան
Որ յայտնուեցար մեզի համար, ողորմէ՛ մեզի:**

**Ծաղկազարդին
Որ եկար եւ վերստին պիտի գաս, ողորմէ՛ մեզի:**

**Համբարձման
Որ փառքով Հօրը քով համբարձար, ողորմէ՛ մեզի:**

**Հոգեգալուստին
Որ եկար եւ առաքեալներուն վրայ հանգչեցար, ողորմէ՛ մեզի:**

**Վարդավառին
Որ Թաբոր լեռան վրայ յայտնուեցար, ողորմէ՛ մեզի:**

**Աստուածածնի Վերափոխումին
Որ եկար քու մօրդ եւ Կոյսին վերափոխումին համար, ողորմէ՛ մեզի:**

**Խաչի, Եկեղեցոյ, Սրբոց տօներուն
Որ խաչուեցար մեզի համար, ողորմէ՛ մեզի:**

ՍՐԿ. Տիրոջմէ խաղաղութիւն աղեր-սենք դարձեալ:

ԴՊՐ. Տէ՛ր, ողորմէ՛:

**ՍՐԿ. Աշխարհի խաղաղութեան եւ սուրբ եկեղեցոյ հաստատութեան հա-
մար աղաչենք Տիրոջ:**

ԴՊՐ. Տէ՛ր, ողորմէ՛:

**ՍՐԿ. Բոլոր սուրբ եւ ուղղահաւատ եպիսկոպոսներուն համար աղաչենք
Տիրոջ:**

ԴՊՐ. Տէ՛ր, ողորմէ՛:

ՍՐԿ. Մեր սրբազնագոյն Հայրապետին՝ տէր տէր (այս անուն) կաթողիկոսին արեւչատութեան եւ հոգիի փրկութեան համար աղաչենք Տի-րոջ:

ԴՊՐ. Տէ՛ր, ողորմէ: Յիշէ՛, Տէ՛ր, եւ ողորմէ: Ողորմէ՛, Տէ՛ր: Քեզի կը յանձնուինք: Տէ՛ր, ողորմէ՛, Տէ՛ր, ողորմէ՛, Տէ՛ր, ողորմէ՛:

ՔՀՆ. Որովհետեւ ողորմած եւ մարդասէր ես, ո՛վ Աստուած, քեզի կը վայելեն փառքը, իշխանութիւնն ու պատիւը, այժմ եւ միշտ եւ յաւիտեանս յաւիտենից: Ամէն:

ՆՍՏԻԼ

Կը կարդացուի ճաշու ընթերցուածը

ԴՊՐ. Ալէլուիա, ալէլուիա:

Աստուած ոտքի ելաւ, եւ իր բոլոր թշնամիները ցրուեցան, զինք ատողները փախան իր ներկայութենէն:

(Ճաշու այլ ալէլուքներ տես էջ 46-48)

ՈՏՔԻ ԿԱՆԳՆԻԼ

ՍՐԿ. Ալէլուիա՛, ոտքի՛:

ՔՀՆ. X Խաղաղութի՛ւն բոլորին:

ԴՊՐ. Նաեւ քու հոգիիդ:

ՍՐԿ. Երկիւղածութեամբ մտիկ ըրէք:

ՍՐԿ. Յիսուս Քրիստոսի Սուրբ Աւետարանը, ըստ (Մատթէոսի, Մարկոսի, Ղուկասի կամ Յովհաննէսի):

ԴՊՐ. Փառք քեզի, Տէ՛ր, մեր Աստուածը:

ՍՐԿ. Ուշադիր եղէք:

ԴՊՐ. Աստուած կը խօսի:

ՍՐԿ. (Կը կարդայ սօնացոյցին մէջ նշուած Աւետարանը):

ԴՊՐ. Փառք քեզի, Տէ՛ր, մեր Աստուածը:

Ապա կ'երգեն Նիկիական Հանգանակը, ձեռքերը իրարու միացուցած

ՆԻԿԻԱԿԱՆ ՀԱՆԳԱՆԱԿԸ

Կը հաւատանք մէկ Աստուծոյ, ամենակալ Հօր, որ արարիչն է երկինքին ու երկրին, երեւելի եւ աներեւոյթ ստեղծուածներուն:

Կը հաւատանք մէկ Տէր Յիսուս Քրիստոսի, Աստուծոյ Որդիին, որ Հօր Աստուծմէ ծնած է որպէս միակ ծընունդ. այսինքն՝ Հօրը էութենէն է: Աստուած է՝ Աստուծմէ ծնած, լոյս է՝ լոյսէն յառաջ եկած: Ճշմարիտ Աստուծմէն ծնած ճշմարիտ Աստուած է, եւ ո՛չ՝ արարած: Անիկա Հօրը բնութենէն է: Իրմով ստեղծուած է ամէն ինչ որ կայ երկինքի մէջ եւ երկրի վրայ, երեւելի թէ աներեւոյթ:

Ինքն էր որ մեզի՝ մարդերուս եւ մեր փրկութեան համար երկինքէն իջաւ եւ մարմին առաւ, մարդացաւ, Սուրբ Հոգիին ներգործութեամբ սուրբ կոյս Մարիամէն ծնելով որպէս կատարեալ մարդ՝ մարմնով, հոգիով եւ միտքով, եւ ամէն ինչով որ մարդկային է. ո՛չ թէ երեւութապէս, այլ ճշմարտապէս: Չարչարուեցաւ, խաչուեցաւ, թաղուեցաւ, երրորդ օրը յարութիւն առաւ, նոյն մարմինով երկինք ելաւ եւ Հօրը աջ կողմը նստաւ: Վերստին պիտի գայ, նոյն մարմինով եւ Հօրը փառքով, ողջերն ու մեռածները դատելու, ան՝ որուն թագաւորութիւնը անվախճան է:

Կը հաւատանք անեղ եւ կատարեալ Սուրբ Հոգիին, որ խօսեցաւ Օրէնքին, մարգարէներուն եւ աւետարաններուն ընդմէջէն. որ Յորդանան գետին վրայ իջաւ, առաքելներուն ուսուցանեց եւ սուրբերուն մէջ բնակեցաւ:

Կը հաւատանք նաեւ մէկ, ընդհանրական եւ առաքելական սուրբ եկեղեցիին. մէկ մկրտութեան, ապաշխարութեան, մեղքերու քաւութեան

եւ թողութեան. մեռելներու յարութեան, հոգիներու եւ մարմիններու յաւիտենական դատաստանին, երկինքի արքայութեան հաստատումին եւ յաւիտենական կեանքին:

ՍՐԿ. Իսկ անոնք որ կ'ըսեն՝ «Կար ժամանակ մը երբ չկար Որդին», կամ «Կար ժամանակ մը երբ չկար Սուրբ Հոգին», կամ կ'ըսեն՝ «Ոչինչէն ստեղծուեցան, կամ ուրիշ էութենէ մը գո-յացան Աստուծոյ Որդին եւ կամ Սուրբ Հոգին», եւ թէ՛ փոփոխութեան կամ այլայլումի ենթակայ են, ընդհանրական եւ առաքելական սուրբ եկեղեցին կը նզովէ այնպիսիները: **ՔՀՆ.** Բայց մենք կը փառաւորենք զայն՝ [Քրիստոսը] որ յաւիտեաններէն առաջ է, երկրպագելով Սուրբ Երրորդութեան՝ որ մէկ Աստուած է, Հօրը եւ Որդիին եւ Սուրբ Հոգիին, այժմ եւ միշտ եւ յաւիտեանս յաւիտենից: **Ամէն:**

ՍՐԿ. Տիրոջմէ խաղաղութիւն աղեր-սենք դարձեալ:

ԴՊՐ. Տէ՛ր, ողորմէ՛:

ՍՐԿ. Մանաւանդ հաւատքով աղաչենք եւ խնդրենք, որ մեր Տէրը, մեր Աստուածը եւ փրկիչը՝ Յիսուս Քրիստոս այս պաշտամունքը եւ աղօթքները ընդունելու արժանի համարէ: Աղաչենք որ Տէրը լսէ մեր ձայնը, ընդունի մեր սրտաբուխ խնդրանքները, ներէ մեր յանցանքները եւ ողորմի մեզի. որպէսզի միշտ մեր աղօթքներն ու խնդրանքները հասնին իրեն՝ մեր մեծ Տիրոջ, եւ ինք մեզ արժանի ընէ միասնաբար, մէկ հաւատքով եւ բարի գործերով աշխատելու արդարութեան համար: Խնդրենք որ ողորմի եւ իր շնորհքը տայ մեզի: **Ամենակալ Տէր, փրկէ՛ մեզ եւ ողորմէ՛ մեզի:**

ԴՊՐ. Փրկէ՛, Տէր: Ծնորհէ՛, Տէր, շնորհէ՛, Տէր, շնորհէ՛, Տէր: Տէ՛ր, ողորմէ: Քեզի կը յանձնուինք: Տէ՛ր, ողորմէ, Տէ՛ր, ողորմէ, Տէ՛ր, ողորմէ:

ՔՀՆ. Որպէսզի արժանի ըլլանք գոհութեամբ փառաւորելու քեզ, Հօրը եւ Սուրբ Հոգիին հետ միասին, այժմ եւ միշտ եւ յաւիտեանս յաւիտենից: **Ամէն:** X Խաղաղութիւն բոլորին:

ԴՊՐ. Նաեւ քու հոգիիդ:

ՍՐԿ. Աստուծոյ երկրպագենք:

ԴՊՐ. Քեզի կ'երկրպագենք, Տէր:

ՔՀՆ. Քրիստոս, մեր փրկիչը, ամրապնդէ՛ մեզ քու խաղաղութեամբդ, որ կարելի չէ միտքով հասկնալ ու խօսքով բացատրել, եւ ամէն չարիքէ աներկիւղ պահէ: Մեզ քու ճշմարիտ երկրպագուներուդ կարգին դասէ, որոնք հոգիով եւ ճշմարտութեամբ կ'երկրպագեն քեզի: Որովհետեւ ամենասուրբ Երրորդութեանդ կը վայելեն փառքը, իշխանութիւնն ու պատիւը, այժմ եւ միշտ եւ յաւիտեանս յաւիտենից: Օրհնեա՛լ է մեր Տէրը՝ Յիսուս Քրիստոսը: Ամէն:

ՍՐԿ. Օրհնէ՛, տէ՛ր:

ՔՀՆ. X Տէր Աստուած թող օրհնէ բո- լորդ:

ԴՊՐ. Ամէ՛ն:

ՆՍՏԻԼ

ՀԱՒԱՏԱՅԵԼՈՅ ՊԱՏԱՐԱԳ

ՍՐԿ. Զրյլայ որ անկնունք, անհաւատ, անապաշխար կամ անմաքուր ո- եւէ մէկը մօտենայ աստուածային այս խորհուրդին:

ԴՊՐ. Տիրոջ մարմինն է, փրկիչին արիւնն է ահա դրուած մեր դիմաց: Երկնային զօրքերը աներեւոյթ կեր- պով անդադար կ'երգեն ըսելով. «Սո՛ւրբ, սո՛ւրբ, սո՛ւրբ ես, տիեզերքի՛ Տէր»:

ՍՐԿ. Դպիրնե՛ր, սաղմո՛ս երգեցէք մեր Տէր Աստուծոյն. քաղցր ձայնով հոգեւոր երգեր երգեցէք:

ՈՏՔԻ ԿԱՆԳՆԻԼ ԿԱՄ
ԾՈՒՆԿԻ ԳԱԼ

ՍՐԲԱՍԱՑՈՒԹԻՒՆ

Կիրակի օրերուն, Եկեղեցոյ, Ծաղկազարդին եւ Հոգեգալուստին

ԴՊՐ. Հրեշտակներու յատուկ կար-գերով լեցուցիր քու սուրբ եկեղեցիդ, ո՛վ Աստուած:

Միայնակ հազարաւոր հրեշտակներ քու դիմացդ կը կանգնին եւ միլիոնաւոր հրեշտակներ կը պաշտեն քեզ, ո՛վ Տէր: Եւ սակայն դուն ուզեցիր որ մարդիկ օրհներգեն քեզ՝ խորհրդաւոր ձայնով, ըսելով. «Սուրբ, սուրբ, սուրբ ես, տիեզերքի Տէր:

(Այլ սրբասացութիւններ տես էջ 48)

Հանդիսաւոր օրերուն՝ բարձրաձայն

ՔՀՆ. Այլուհա, այլուհա:

ՍՐԿ. Բացէ՛ք ձեր փեղկերը, ո՛վ դարպասներ, թող բացուին յաւիտենութեան դռները, որպէսզի ներս մտնէ փառաւոր թագաւորը: **ՔՀՆ.** Ո՞վ է այս փառաւոր թագաւորը: **Տէրն է,** հզօր եւ անպարտելի. **Տէրը,** պատերազմի մէջ անխորտակելի:

ՍՐԿ. Բացէ՛ք ձեր փեղկերը, ո՛վ դարպասներ, թող բացուին յաւիտենութեան դռները, որպէսզի ներս մտնէ փառաւոր թագաւորը:

ՔՀՆ. Ո՞վ է այս փառաւոր թագաւորը, ամենակալ Տէրը:

ՍՐԿ. Ի՛նքն է փառաւոր թագաւորը:

ՔՀՆ. Օրհնեալ է ան՝ որ կու գայ Տիրոջ անունով: Օրհնեալ ես դուն, որ եկար եւ վերստին պիտի գաս:

ՍՐԿ. Դարձեալ խաղաղութիւն աղեր- սենք Տիրոջմէ:

ԴՊՐ. Տէ՛ր, ողորմէ՛:

ՍՐԿ. Մանաւանդ հաւատքով, սրբ-բուժեամբ եւ երկիւղով աղօթքի կանգ-
նինք Աստուծոյ այս սուրբ սեղանին առջեւ, եւ ո՛չ թէ գայթակղալից
խիղճով, նենգութեամբ ու խորամանկութեամբ, պատրանքով ու
խաբերայութեամբ, երկմտութեամբ եւ թերահաւատութեամբ: Այլ՝ ուղիղ
վարքով, պարզ միտքով, անկեղծ սրտով, կատարեալ հաւատքով, սիրով
լեցուած եւ ամէն տեսակի բարի գործերով հարստացած աղօթքի
կանգնինք Աստուծոյ այս սուրբ սեղանին առջեւ, եւ մեր փրկչին եւ Տիրոջ՝
Յիսուս Քրիստոսի յայտնութեան օրը, Երկրորդ Գալստեան ատեն,
ողորմութիւն գտնենք իրմէ: Տէրը թող փրկէ մեզ եւ ողորմի մեզի:

ԴՊՐ. Փրկէ՛, Տէր, եւ ողորմէ՛ մեզի:

ՔՀՆ. Փրկէ՛ մեզ՝ մեր Տիրոջ եւ փրկչին՝ Յիսուսի Քրիստոսի շնորհքովն ու
մարդասիրութեամբը. որուն հետ միասին քեզի՝ Հօրդ եւ Սուրբ Հոգիիդ կը
վայելեն փառքը, իշխանութիւնն ու պատիւը, այժմ եւ միշտ եւ յաւիտեանս
յաւիտենից: Ամէն: X Խաղաղութիւն բոլորին:

ԴՊՐ. Նաեւ քու հոգիիդ:

ՍՐԿ. Աստուծոյ երկրպագենք:

ԴՊՐ. Քեզի կ'երկրպագենք, Տէ՛ր:

ՍՐԿ. Սուրբ համբոյրով ողջունեցէք իրար: Իսկ դուք՝ որ չէք կրնար հա-
ղորդուիլ աստուածային խորհուրդին, դուրս ելէք եւ հո՛ն աղօթեցէք:

ԴՊՐ. *Քրիստոս մեր մէջ յայտնուեցաւ. ինքը՝ Աստուած՝ հոս բազմեցաւ.
խաղաղութեան կանչը հնչեց, սուրբ ողջոյն տալ հրահանգեց: Եկեղեցին
մէկ անձ դարձաւ, համբոյրով՝ կապն ամբողջացաւ. թշնամութիւնը հեռա-
ցաւ, բոլորին սէր սփռուեցաւ: Արդ, բոլորս մէկ բարձրաձայն օրհնութիւն
տանք միաբերան՝ միասնական աստուածութեան, որուն սերովբէները
ներբող կու տան:

* Սարկաւազը խորանէն խաղաղութեան համբոյրը կը բերէ ժողովուրդին, ըսելով. «Քրիստոս ի մէջ մեր յայտնեցաւ»: Ստացողը կը պատասխանէ. «Օրհնեալ է յայտնութիւնն Քրիստոսի»:

Հանդիսաւոր օրերուն

ՍՐԿ. Դուք՝ որ հաւատքով կանգնած էք արքայական այս սուրբ սեղանին դիմաց, տեսէք բազմած Քրիստոս արքան, եւ գինք շրջապատող զօրքերն վերնական:

ԴՊՐ. Մեր աչքերը քեզի կը բարձրացնենք, եւ այս պաղատանքը կը ներկայացնենք.- Մեր մեղքերը մի՛ յիշեր, այլ գթութեամբդ քաւէ: Հրեշտակներուն եւ սուրբերուդ հետ միասին կ'օրհնեցենք քեզ, Տէ՛ր, փա՛ռք քեզի:

ՍՐԿ. Երկիւղով ու պատկառանքով ուղիղ կանգնինք եւ ուշադրութեամբ նայինք:

ԴՊՐ. Քեզի, ո՛վ Աստուած:

ՍՐԿ. Պատարագուողը Քրիստոս է, Աստուծոյ անարատ Գառնուկը:

ԴՊՐ. Անիկա ողորմութիւն է եւ խաղաղութիւն, եւ մեր գոհութեան պատարագը:

ՔՀՆ. Հօրը եւ Որդիին եւ Սուրբ Հոգիին շնորհքը, սէրը եւ աստուածային սրբացուցիչ զօրութիւնը X ձեզի՝ բոլորիդ հետ ըլլայ:

ՆՍՏԻԼ

ԴՊՐ. Ամէն: Նաեւ քու հոգիիդ:

ՍՐԿ. Դուները, դուները փակեցէք, եւ ամբողջապէս կեդրոնացած ուշադրութեամբ եւ աստուածավախութեամբ ձեր միտքերը վեր բարձրացուցէք՝ աստուածային այս խորհուրդին:

ԴՊՐ. Մեր միտքերը քեզի բարձրացուցած ենք, ամենակա՛լ Տէ՛ր:

ՍՐԿ. Եւ ամբողջ սրտով գոհութիւն յայտնենք Տիրոջ:

ԴՊՐ. Իրաւացի է եւ արդար:

ՔՀՆ. Եւ շնորհեց, որ սերովբէներուն ու քերովբէներուն ձայնակցելով՝ քու սրբութիւնդ երգենք ու եղանակենք, բարձրադաղակ գոչելով եւ ըսելով.-

ՈՏՔԻ ԿԱՆԳՆԻԼ

ԴՊՐ. Սուրբ, սուրբ, սուրբ ես, տիե-գերքի՛ Տէր: Երկինք ու երկիր փառ-քովդ են լեցուն: Օրհնութի՛ւն քեզի՝ բարձունքներուն մէջ: Օրհնեալ ես դուն, որ Տիրոջ անունով եկար եւ պիտի գաս: Ովսաննա՛ բարձունքներուն մէջ:

ՔՀՆ. Առէ՛ք, կերէ՛ք, ասիկա իմ մար- մինս է, որ ձեզի եւ շատերուն համար կը բաշխուի, մեղքերու քաւութեան եւ թողութեան համար:

ԴՊՐ. Ամէն:

ՔՀՆ. Խմեցէք ասկէ բոլորդ. ասիկա նոր ուխտի իմ արիւնս է, որ ձեզի եւ շատերուն համար կը թափուի, մեղքե-րու քաւութեան եւ թողութեան համար:

ԴՊՐ. Ամէն: Երկնաւո՛ր Հայր, որ քու Որդիդ մահուան մատնեցիր՝ մեր մեղ- քերուն պարտքը վճարելու համար: Անոր թափած արեան միջնորդութեամբ կ'աղա- չենք քեզի, ողորմէ՛ քու բանաւոր հօտիդ:

ՔՀՆ. Քու կողմէդ մեզի պարգեւ-ուածը քեզի՛ կ'ընծայենք՝ ամէն ինչի եւ բոլորին փոխարէն:

ԴՊՐ. Ամէն բանի համար օրհնեալ ես, Տէ՛ր: Կ'օրհնաբանենք քեզ, գոհու- թիւն կը յայտնենք եւ կ'աղաչենք քեզի, Տէ՛ր, մեր Աստուածը:

ՍՐԿ. Օրհնէ՛, տէ՛ր:

ՔՀՆ. X Խաղաղութի՛ւն բոլորին:

ԴՊՐ. Նաեւ քու հոգիիդ:

ՍՐԿ. Աստուծոյ երկրպագենք:

ԴՊՐ. Քեզի կ'երկրպագենք, Տէ՛ր: Որդի՛ Աստուծոյ, որ Հայրը մեզի հետ հաշտեցնելու համար զոհ մատուցուեցար եւ իբրեւ կեանքի հաց կը բաշխուիս մեզի: Քու թափած սուրբ արեանդ միջնորդութեամբ, կ'աղաչենք քեզի, ողորմէ՛ քու արիւնովդ փրկուած բանաւոր հօտիդ:

ՔՀՆ. Որպէսզի ասիկա բոլոր մօտեցողներուս համար առիթ ըլլայ դատապարտութենէ զերծ մնալու, եւ մեղքերու քաւութեան ու թողութեան:

ԴՊՐ. Հոգի՛ Աստուծոյ, դուն՝ որ երկինքէն կ'իջնես՝ մեր ձեռքերով իր լրումին հասցնելու համար քեզի փառակից Որդիին պատարագումին խորհուրդը: Անոր թափած արեան միջնորդութեամբ կ'աղաչենք քեզի, հանգիստ պարգեւէ մեր ննջեցեալներու հոգիներուն:

ՆՍՏԻԼ

ՔՀՆ. Անոնց հետ միասին մեզի՛ ալ ողորմէ, բարերա՛ր Աստուած, կ'աղաչե՛նք:

ԴՊՐ. Յիշէ՛, Տէ՛ր, եւ ողորմէ՛ մեզի:

ՔՀՆ. Այս սուրբ պատարագով յիշէ՛ Աստուածածին սուրբ կոյս Մարիամը, Յովհաննէս Մկրտիչը, Ստեփանոս Նախավկան եւ բոլոր սուրբերը, կ'աղաչենք:

ԴՊՐ. Յիշէ՛, Տէ՛ր, եւ ողորմէ՛ մեզի:

ՍՐԿ. Այս սուրբ պատարագով յիշէ՛ սուրբ առաքեալները, մարգարէները, վարդապետները, մարտիրոսները, եւ բոլոր սուրբ հայրապետները, առաքե-լագործ եպիսկոպոսները, երէցները, ուղղահաւատ սարկաւազները, եւ բո-լոր սուրբերը, կ'աղաչենք:

ԴՊՐ. Յիշէ՛, Տէ՛ր, եւ ողորմէ՛ մեզի:

Սրբոց տօներուն ըսել հետեւեալը.

ՍՐԿ. Այս սուրբ պատարագով, կ'աղաչենք, յիշէ՛ սուրբ եւ աստուածահաճոյ (այս անունը), որուն (կամ՝ որոնց) յիշատակը կատարեցինք այսօր:

ԴՊՐ. Յիշէ՛, Տէ՛ր, եւ ողորմէ՛ մեզի:

ՍՐԿ. Քրիստոսի օրհնեալ, գովեալ եւ փառաւորեալ, հրաշալի եւ աստուածագարդ յարութեան կ'երկրպագենք:

ԴՊՐ. Փա՛ռք քու յարութեանդ, Տէ՛ր:

ՍՐԿ. Այս սուրբ պատարագով յիշէ՛ մեր առաջնորդներն ու առաջին լուսաւորիչները՝ սուրբ Թադէոս եւ Բարթողիմէոս առաքեալները, Գրիգոր Լուսաւորիչը, Արիստակէսը, Վրթանէսը, Յուսիկը, Գրիգորիսը, Ներսէսը, Սահակը, Դանիէլն ու Խաղը, Մեսրոպ Վարդապետը, Գրիգոր Նարեկացին, Ներսէս Կրայեցին, Յովհաննէս Որոտնեցին, Գրիգոր եւ Մովսէս Տաթեւացիները, եւ սուրբ Գրիգորներու եւ Ներսէսներու բոլոր հետեւորդները, Հայ ժողովուրդի հովիւներն ու հովուապետները, կ'աղաչենք:

ԴՊՐ. Յիշէ՛, Տէ՛ր, եւ ողորմէ՛ մեզի:

ՍՐԿ. Այս սուրբ պատարագով՝ յիշէ՛ սուրբ ճգնաւորները, առաքինասէր եւ աստուածուսոյց կրօնաւորները՝ Պօղոսը, Անտոնը, Պօղը, Մակարը, Ոնոփրիոսը, Աբբայ Մարկոսը, Սրապիոնը, Նեղոսը, Արսէնը, Եւագրը, Պարսամը, Յովհաննէսի եւ Սիմէոնի հետեւորդները, սուրբ Ոսկիի եւ Սուքիասի հետեւորդները, ինչպէս նաեւ բոլոր սուրբ հայրերը եւ աշխարհի բոլոր կողմերուն անոնց աշակերտողները, կ'աղաչենք:

ԴՊՐ. Յիշէ՛, Տէ՛ր, եւ ողորմէ՛ մեզի:

ՍՐԿ. Այս սուրբ պատարագով յիշէ՛ հաւատացեալ եւ սուրբ թագաւորները՝ Աբգարը, Կոստանդիանոսը, Տրդատը եւ Թէոդոսը, եւ

բոլոր սուրբ եւ բարեպաշտ թագաւորներն ու աստուածասէր իշխանները,
կ'աղաչենք:

ԴՊՐ. Յիշէ՛, Տէր, եւ ողորմէ՛ մեզի:

ՍՐԿ. Այս սուրբ պատարագով նաեւ համընդհանուր կերպով յիշէ՛ բոլոր հաւատացեալները, այր թէ կին, ծեր թէ մանուկ, եւ ամէն տարիքի այն անձերը, որոնք հաւատքով եւ սրբու-թեամբ Քրիստոսի միացան եւ ննջեցին, կ'աղաչենք:

ԴՊՐ. Յիշէ՛, Տէր, եւ ողորմէ՛ մեզի:

ՈՏՔԻ ԿԱՆԳՆԻԼ

ՔՀՆ. Մանաւանդ յիշէ՛ մեր եպիսկոպոսապետը՝ Մեծի Տանն Կիլիկիոյ բոլոր Հայոց պատուական հայրապետը՝ տէր տէր (այս անուն) սրբազնագոյն կաթողիկոսը, եւ մեր թեմի բարեջան առաջնորդը՝ տէր (այս անուն) սրբա-զան արքեպիսկոպոսը: Շնորհէ՛ որ ա-նոնք երկար ատեն մեզ հովուեն ուղիղ ուսուցումով:

ՍՐԿ. Գոհուլթիւն եւ փառաբանուլթիւն կ'ընծայենք քեզի, ո՛վ Տէր, մեր Աստուածը, այս սուրբ եւ անմահ պատարագին համար, որ այս սուրբ սեղանին վրայ դրուած է: Շնորհէ՛ զայն մեզի, որպէսզի անով սրբուինք եւ կենդանանանք: Ասով՝ սէր, կայունութիւն եւ բաղձացուած խաղաղութիւնը շնորհէ՛ ամբողջ աշխարհին, սուրբ եկեղեցիին, բոլոր ուղղահաւատ եպիսկոպոսներուն, մեր եպիսկոպոսապետին՝ Մեծի Տանն Կիլիկիոյ բոլոր Հայոց պատուական հայրապետին՝ տէր տէր (այս անուն) կաթողիկոսին, մեր թեմի բարեջան առաջնորդ՝ տէր (այս անուն) սրբազան արքեպիսկոպոսին, եւ քահանային որ այս պատարագը կը մատուցանէ:

Յաղթութիւն շնորհէ՛ քրիստոնեայ պետութիւններուն, բարեպաշտ իշխողներուն եւ անոնց բանակներուն: Աղօթենք եւ խնդրենք նաեւ հանգուցեալ անձերուն եւ մանաւանդ՝ մեր հանգուցեալ հայրապետներուն համար, ինչպէս նաեւ այս սուրբ եկեղեցին շինողներուն, եւ անոր հովանիին տակ ննջած մարդոց համար: Ազատութիւն խընդ-րենք

գերեվարուած մեր եղբայրներուն համար, շնորհք՝ այստեղ ներկայ ժողովուրդին, եւ հանգիստ անոնց՝ որոնք հաւատքով եւ սրբութեամբ Քրիստոսի միացան եւ մեռան: Կ'աղաչենք, ասոնք բոլորը յիշէ՛լ այս սուրբ պատարագով:

ԴՊՐ. Բոլորին կողմէ կ'աղաչենք՝ բոլորին համար:

ՔՀՆ. Եւ թող մեր մեծ Աստուծոյն եւ փրկչին՝ Յիսուս Քրիստոսի սէրը Քձեր բոլորին հետ ըլլայ:

ՆՍՏԻԼ

ԴՊՐ. Ամէն: Նաեւ քու հոգիիդ:

ՍՐԿ. Դարձեալ խաղաղութիւն աղերսենք Տիրոջմէ:

ԴՊՐ. Տէ՛ր, ողորմէ՛:

ՍՐԿ. Բոլոր այն սուրբերուն հետ միասին, զորս յիշատակեցինք, առաւել եւս Տիրոջ աղաչենք:

ԴՊՐ. Տէ՛ր, ողորմէ՛:

ՍՐԿ. Այս սուրբ սեղանին մատուցուած սուրբ եւ աստուածային, անմահ պատարագին միջոցաւ աղաչե՛նք Տիրոջ:

ԴՊՐ. Տէ՛ր, ողորմէ՛:

ՍՐԿ. Որպէսզի Տէրը, մեր Աստուածը, որ զայն ընդունեց իր սուրբ, երկնային եւ աննիւթական սրբարանին մէջ, անոր փոխարէն Սուրբ Հոգիին շնորհքներն ու պարգեւները ղրկէ մեզի. աղաչե՛նք Տիրոջ:

ԴՊՐ. Տէ՛ր, ողորմէ՛:

ՍՐԿ. Ընդունէ եւ փրկէ՛ մեզ, Տէ՛ր. ողորմէ՛ մեզի եւ քու շնորքովդ պահէ՛ մեզ:

ԴՊՐ. Փրկէ՛ մեզ, Տէ՛ր, եւ ողորմէ՛ մեզի:

ՍՐԿ. Ամենասրբունհի Աստուածածինը՝ միշտ կոյս Մարիամը յիշատակելով բոլոր սուրբերուն հետ միասին, Տիրոջ աղաչենք:

ԴՊՐ. Յիշէ՛, Տէ՛ր, եւ ողորմէ: Ողորմէ՛, Տէ՛ր: Տէ՛ր, քեզի կը յանձնուինք: Տէ՛ր, ողորմէ՛, Տէ՛ր, ողորմէ՛, Տէ՛ր, ողորմէ՛:

ՔՀՆ. Եւ թոյլ տուր, որ համարձակօրէն դիմենք քեզի, ո՛վ երկնաւոր Հայր, եւ երգածայն աղօթքով ըսենք.-

ՈՏՔԻ ԿԱՆԳՆԻԼ

ԴՊՐ. Հայր մեր երկնաւոր, սրբաբանուի՛ անունդ: Թող գայ արքայուլթիւնդ. Թող կատարուի քու կամքդ, ինչպէս որ երկինքի մէջ՝ այնպէս ալ երկրի վրայ: Ամենօրեայ մեր հացը այսօր եւս մեզի տուր: Ներէ՛ մեր յանցանքները, ինչպէս որ մենք կը ներենք անոնց՝ որոնք մեզի դէմ նոյնպէս յանցանք գործած են: Եւ թոյլ մի՛ տար որ փորձուլթեան մէջ իյնանք. այլ՝ մեզ չարէն ազատէ՛:

ՔՀՆ. Որովհետեւ քուկդ են միշտ՝ արքայուլթիւնը, զօրուլթիւնը եւ փառքը: Ամէն: X Խաղաղուլթի՛ւն բոլորին:

ԴՊՐ. Նաեւ քու հոգիիդ:

ՍՐԿ. Աստուծոյ երկրպագենք:

ԴՊՐ. Քեզի կ'երկրպագենք, Տէ՛ր:

ՔՀՆ. Քրիստոս Յիսուսի, մեր Տիրոջ միջոցաւ, որուն հետ քեզի՝ Սուրբ Հոգիիդ եւ ամենակալ Հօրը կը վայելեն փառքը, իշխանուլթիւնն ու պատիւը, այժմ եւ միշտ եւ յաւիտեանս յաւիտենից: Ամէն:

ՍՐԿ. Ուշադիր նայինք:

ՔՀՆ. Տեսէ՛ք Սուրբը, որ սուրբերուն կը տրուի:

**ԴՊՐ. Դուն ես միակ Սուրբը, դուն ես միակ Տէրը, Յիսո՛ւս Քրիստոս,
Հայրն Աստուածը փառաւորելու համար: Ամէն:**

ՔՀՆ. Օրհնեա՛լ ես, Սո՛ւրբ Հայր, Աստուած ճշմարիտ:

ԴՊՐ. Ամէ՛ն:

ՔՀՆ. Օրհնեա՛լ ես, Սո՛ւրբ Որդի, Աստուած ճշմարիտ:

ԴՊՐ. Ամէ՛ն:

ՔՀՆ. Օրհնեա՛լ ես, Սո՛ւրբ Հոգի, Աստուած ճշմարիտ:

ԴՊՐ. Ամէ՛ն:

**ՔՀՆ. Օրհնութի՛ւն եւ փառք՝ Հօրը եւ Որդիին եւ Սուրբ Հոգիին, այժմ եւ
միշտ եւ յաւիտեանս յաւիտենից: Ամէն:**

**ԴՊՐ. Ամէ՛ն: Հայր Սուրբ, Որդի Սուրբ, Հոգի Սուրբ: Օրհնութի՛ւն եւ
փառք՝ Հօրը եւ Որդիին եւ Սուրբ Հոգիին, այժմ եւ միշտ եւ յաւիտեանս
յաւիտենից: Ամէն:**

**ՔՀՆ. Սրբութեամբ ճաշակենք մեր Տիրոջ եւ փրկչին՝ Յիսուս Քրիստոսի
սուրբ եւ թանկագին մարմինէն ու արիւնէն, որ երկինքէն իջած՝ մեզի կը
բաշխուի: X Ասիկա կեանք է, յարութիւն, յոյս եւ մեղքերու քաւութիւն ու
թողութիւն: Սաղմո՛ս երգեցէք Տիրոջ, մեր Աստուծոյն: Սաղմո՛ս երգեցէք
մեր երկնաւոր, անմահ Թագաւորին, որ քերովբէական կառքի վրայ կը
նըս-տի:**

ՆՍՏԻԼ

ԴՊՐ. Տէր, ողորմէ՛, Տէր, ողորմէ՛, Տէր, ողորմէ՛, Տէր, ողորմէ՛:

ՍՐԿ. Տէր, ողորմէ՛, Տէր, ողորմէ՛, Տէր, ողորմէ՛, Տէր, ողորմէ՛:

ԴՊՐ. Ամենասուրբ Երրորդութիւն, տո՛ւր աշխարհիս խաղաղութիւն:

ՍՐԿ. Հիւանդներուն՝ բժշկութիւն, նրն- ջածներուն՝ արքայութիւն:

Կամ

ԴՊՐ. Մեզի եկո՛ւր, ո՛վ մեր հայրերուն Աստուածը, որ ճնշուածներուն ապաւէնն ես:

ՍՐԿ. Օգնութեան փութա՛ ծառաներուդ, օգնական եղիր Հայոց ազգին:

ԴՊՐ. Տէր, ողորմէ՛, Տէր, ողորմէ՛, Յիսուս փրկիչ, մեզի ողորմէ՛:

ՍՐԿ. Սուրբ եւ անմահ եւ կենարար այս պատարագին միջնորդութեամբ:

ԴՊՐ. Ընդունէ՛ մեր խնդրանքը, Տէ՛ր, եւ ողորմէ՛:

ՍՐԿ. Ո՛վ դպիրներ, սաղմոս երգեցէք Տիրոջ, մեր Աստուծոյն. քաղցր ձայնով հոգեւոր երգեր երգեցէք, որովհետեւ սաղմոս եւ օրհներգութիւն կը վայելեն անոր, այլլուիաներ եւ հոգեւոր երգեր: Ո՛վ սպասաւորներ, երգեցէք եւ սաղմոսեցէ՛ք, եւ օրհներգեցէ՛ք Տէրը երկինքի մէջ:

ՈՏՔԻ ԿԱՆԳՆԻԼ

ԴՊՐ. Օրհնեա՛լ է Աստուած:

Քրիստոս իբրեւ զոհ ընծայուելով մեզի կը բաշխուի. այլլուիա:

Իր մարմինը մեզի կու տայ իբրեւ կերակուր, եւ իր սուրբ արիւնը կը ցօղէ մեր վրայ. այլլուիա:

Մօտեցէ՛ք Տիրոջ եւ իրմէ լո՛յս առէք. այլլուիա:

Ճաշակեցէք եւ տեսէք՝ թէ ի՛նչքան բարի է Տէրը. այլլուիա:

Օրհներգեցէ՛ք Տէրը երկինքի մէջ. այլլուիա:

Օրհներգեցէ՛ք զայն բարձունքներուն մէջ. այլլուիա:

Օրհներգեցէք զայն, ո՛վ անոր հրեշտակները. այլլուիա:

Օրհներգեցէ՛ք զայն, ո՛վ անոր բոլոր զօրքերը. այլլուիա:

ԾՈՒՆԿԻ ԳԱԼ ԿԱՄՆԱՍԻԼ

ԽՈՍՏՈՎԱՆՈՒԹԻՒՆ

ՄԻԱՍԻՆ. Մեղանչեցի ամենասուրբ Երրորդութեան՝ Հօրը եւ Որդիին եւ Սուրբ Հոգիին դէմ: Մեղաւոր եմ Աստուծոյ առջեւ: Բոլոր մեղքերս կը խոստովանիմ Աստուծոյ առջեւ, սուրբ Աստուածածինին եւ բոլոր սուրբերուն առջեւ, ինչպէս նաեւ քու առջեւդ, հայր սուրբ: Մեղանչեցի՝ մտածումով, խօսքով ու գործով, կամայ թէ ակամայ, գիտակցաբար թէ անգիտակցաբար՝ մեղայ Աստուծոյ:

ՔՀՆ. Աստուած թողութիւն թող շնորհէ:

ՄԻԱՍԻՆ. Մեղանչեցի այն եօթը յանցանքներով, որոնք մահացու մեղքերն են.- հպարտութեամբ, նախանձով, բարկութեամբ, ծուլութեամբ, ազահութեամբ, որկրամոլութեամբ, ցանկամոլութեամբ, եւ ասոնց բոլոր տեսակներովը՝ մեղայ Աստուծոյ:

ՔՀՆ. Աստուած թողութիւն թող շնորհէ:

ՄԻԱՍԻՆ. Եւ դեռ մեղանչեցի Աստուծոյ բոլոր պատուիրաններուն դէմ, թէ՛ յանձնառութիւններուս եւ թէ՛ հրաժարելիքներուս մէջ, որովհետեւ ո՛չ յանձն առածներս կատարեցի եւ ո՛չ ալ հրաժարածներէս հեռացայ: Օրէնքը սորվեցայ, սակայն Օրէնքի գործադրութեան մէջ ծուլացայ:

Քրիստոնէութեան շարքերուն մէջ անցայ, բայց գործերովս անարժան գտնուեցայ: Չարիքը գիտնալով հանդերձ՝ կամովին նուաստացայ, եւ ես իմ կամքովս բարի գործերէն հեռացայ: Վա՛յ ինծի, վա՛յ ինծի, վա՛յ ինծի. ո՞ր մէկը ըսեմ, ո՞ր մէկը խոստովանիմ, ա՛յնքան շատ են յանցանքներս, չըսուելիք են անօրէնութիւններս, աններելի են ցաւերս եւ անբժշկելի են վէրքերս, մեղայ Աստուծոյ:

ՔՀՆ. Աստուած թողութիւն թող շնորհէ:

ՄԻԱՍԻՆ. Հայր սուրբ, ինծի համար հաշտութեան միջնորդ եւ բարեխօս եղիր Աստուծոյ Միածին Որդիին քով, եւ քեզի տրուած իշխանութեամբ՝ զիս իմ մեղքերուս կապանքներէն արձակէ, կ'աղաչեմ քեզի:

ԱՐՁԱԿՈՒՄ

ՔՀՆ. Տէ՛ր, ողորմէ՛, Տէ՛ր, ողորմէ՛, Տէ՛ր, ողորմէ՛:

Թող մարդասէրն Աստուած ի՛նք ողորմի քեզի եւ թողութիւն շնորհէ քու բոլոր յանցանքներուն՝ խոստովանածներուն եւ մոռցածներուն: Իսկ ես քահանայական իշխանութեան կարգովս, եւ աստուածային հրամանով՝ թէ «Ինչ որ կ'արձակէք երկրի վրայ, թող արձակուի երկինքի մէջ», նոյն խօսքով կ'արձակեմ քեզ մտածումներով, խօսքերով եւ գործերով կատարած բոլոր մեղքերէդ, Հօրը եւ Որդիին եւ Սուրբ Հոգիին անունով: Եւ դարձեալ կը հաստատեմ քեզ սուրբ Եկեղեցւոյ խորհուրդներուն մէջ, որպէսզի ինչ լաւ բաներ որ ընես՝ անոնք ըլլան քեզի համար բարի գործեր եւ հանդերձեալ կեանքի համար՝ փառք: Ամէն:

ՈՏՔԻ ԿԱՆԳՆԻԼ

ՍՐԿ. Երկիւղածութեամբ ու հաւատքով մօտեցէ՛ք եւ սրբութեամբ հաղորդուեցէ՛ք:

ԴՊՐ. Մեր Տէրը եւ Աստուածը երեւցաւ մեզի: Օրհնեա՛լ ըլլայ ան՝ որ Տիրող անունով կու գայ:

ՔՀՆ. Փրկէ՛, Տէ՛ր, քու ժողովուրդդ, խօրհնէ՛ քու ժառանգութիւնդ. հովուէ՛ եւ բարձրացո՛ւր զանոնք, այժմէն մինչեւ յաւիտեան:

ԴՊՐ. Քու բարիքներովդ լիացանք, ո՛վ Տէր, մարմինդ եւ արիւնդ ճաշակելով: Փա՛ռք քեզի, որ բարձունքներուն մէջ կը բնակիս եւ կը կերակրես մեզ: Դուն՝ որ միշտ կը կերակրես մեզ, քու հոգեւոր օրհնութիւնդ զրկէ մեզի: Փա՛ռք քեզի, որ բարձունքներուն մէջ կը բնակիս եւ կը կերակրես մեզ:

ՍՐԿ. Դարձեալ խաղաղութիւն աղերսենք Տիրոջմէ:

ԴՊՐ. Տէ՛ր, ողորմէ՛:

ՍՐԿ. Մանաւանդ դուք՝ որ հաւատ-քով ճաշակեցիք աստուածային, սուրբ, երկնային, անարատ եւ անապական այս խորհուրդէն, շնորհակալութիւն յայտնեցէ՛ք Տիրոջ:

ԴՊՐ. Շնորհակալութիւն կը յայտ-նենք քեզի, Տէ՛ր, որ մեզ կերակրեցիր անմահական քու սեղանէդ, մարմինդ եւ արիւնդ բաշխելով աշխարհի փրր-կութեան եւ մեր հոգիներու կենդա-նութեան համար:

ԱՐՁԱԿՈՒՄ

ՔՀՆ. Դուն, որ կ'օրհնես քեզ օրհ-նաբանողները, Տէ՛ր, եւ կը սրբես քեզի վստահողները:

ԴՊՐ. Օրհնեա՛լ է Աստուած:

ՔՀՆ. Փրկէ՛ քու ժողովուրդդ, օրհնէ՛ քու ժառանգութիւնդ. քու եկեղեցիդ ամբողջ պահէ:

ԴՊՐ. Ամէ՛ն:

ՔՀՆ. Սրբէ՛ ասոնք, որոնք սիրով յօ-ժարեցան քու տունդ վայելուչ պահել: Փառաւորէ՛ մեզ աստուածային քու զօրութեամբդ, եւ մի՛ լքեր քեզի ապա-ւինողներս:

ԴՊՐ. Ամէ՛ն:

ՔՀՆ. Քու խաղաղութիւնդ պարգեւէ ամբողջ աշխարհին, եկեղեցիներուն, քահանաներուն, քրիստոնեայ թագաւորներուն, Հայոց ազգի հայրապետութեան ու հանրապետութեան, Ամերիկայի Միացեալ Նահանգներու հանրապետութեան, անոնց բանակին եւ ամբողջ ժողովուրդին:

ԴՊՐ. Ամէ՛ն:

ՔՀՆ. Որովհետեւ բոլոր բարի նուէրները եւ բոլոր կատարեալ պարգեւները երկինքէն՝ քեզմէ կու գան, ո՛վ Հայր, որ լոյսի արարիչն ես: Եւ քեզի կը վայելեն փառքը, իշխանութիւնը եւ պատիւը, այժմ եւ միշտ եւ յաւիտեանս յաւիտենից: Ամէն:

ԴՊՐ. Ամէ՛ն: Տիրոջ անունը օրհնեալ ըլլայ այժմէն մինչեւ յաւիտեան: Տիրոջ անունը օրհնեալ ըլլայ այժմէն մինչեւ յաւիտեան: Տիրոջ անունը օրհնեալ ըլլայ այժմէն մինչեւ յաւիտեան:

ՔՀՆ. Դուն, որ Օրէնքին եւ մարգարէութեանց լրումն ես, ո՛վ մեր Աստուածն ու փրկիչը՝ Քրիստոս, եւ Հօրը կամքով իրենց կատարումին հասցուցիր բոլոր տնօրինութիւնները, Սուրբ Հոգի ո՛վդ լեցուր մեզ*:

ՍՐԿ. Ոտքի՛:

ՔՀՆ. X Խաղաղութի՛ւն բոլորին:

ԴՊՐ. Նաեւ քո՛ւ հոգիիդ:

ՍՐԿ. Երկիւղածութեամբ մտի՛կ ըրէք:

ՔՀՆ. Յիսուս Քրիստոսի Սուրբ Աւե- տարանը ըստ Յովհաննէսի (1.1-14):

ԴՊՐ. Փա՛ռք քեզի, Տէր, մեր Աստուածը:

ՍՐԿ. Ուշադիր եղէք:

ԴՊՐ. Աստուած կը խօսի:

ՔՀՆ. Լոյսին Հօրմէն:

Աշխարհի ստեղծագործութենէն առաջ գոյութիւն ունէր Բանը: Բանը Աստուծոյ հետ էր եւ Բանը Աստուած էր: Անիկա սկիզբէն Աստուծոյ հետ էր:

Անով էր որ Աստուած ամէն ինչ ստեղծեց. առանց անոր ո՛չ մէկ բան ստեղծեց: Կեանքը անով սկիզբ առաւ: Եւ կեանքը մարդոց համար լոյսն է՝ որ խաւարին մէջ կը փայլի. բայց խաւարը չկրցաւ հասկնալ զայն:

Յովհաննէս, որ Աստուծոյ կողմէ զրկուած մարդ մըն էր, եկաւ լոյսին համար վկայութիւն տալու, որպէսզի ամէն մարդ անոր միջոցաւ

հաւատայ: Ինք յոյսը չէր, այլ՝ յոյսին համար վկայ մը: Բանն էր ճշմարիտ յոյսը, որ աշխարհ գալով՝ կը լուսաւորէ ամբողջ մարդկութիւնը:

Աշխարհի մէջ էր անիկա, աշխարհը իրմով ստեղծուեցաւ, սակայն աշխարհը զինք չճանչցաւ: Ի՛ր իսկ ստեղծած աշխարհը եկաւ, բայց իր իսկ ստեղծած մարդիկը զինք չընդունեցին: Իսկ զինք ընդունողներուն եւ իրեն հաւատացողներուն իշխանութիւն տուաւ Աստուծոյ որդիներ ըլլալու. ո՛չ արեան ճամբով եւ ո՛չ մարմինի կամ մարդկային կամքով, այլ՝ Աստուծոյ ծնելով:

Եւ Բանը մարդ եղաւ եւ մեր միջեւ բնակեցաւ եւ մենք տեսանք անոր փառքը. փառքը Միածինին, որ Հօրմէն եկաւ՝ շնորհքով եւ ճշմարտութեամբ լեցուն:

ՍՐԿ. Փա՛ռք քեզի, Տէր, մեր Աստուածը:

Սուրբ խաչին ապաւինելով աղա- չենք Տիրոջ, որ անով մեզ ազատէ մեր մեղքերէն, եւ իր ողորմութեամբը փրկէ: Ամենակալ Տէր, մեր Աստուածը, փրկէ՛ մեզ եւ ողորմէ՛ մեզի:

ՔՀՆ. Քրիստոս, մեր Աստուածը, եւ հաւատացեալներուն պահապանն ու յոյսը, սուրբ եւ պատուական խաչիդ հովանիին տակ՝ խաղաղութեան մէջ պահէ, պահպանէ եւ օրհնէ այստեղ ներկայ ժողովուրդը: Փրկէ՛ տեսանելի եւ անտեսանելի թշնամիներէն, եւ արժանի ըրէ՝ գոհութեամբ փառաւորելու քեզ, Հօրը եւ Սուրբ Հոգիին հետ միասին, այժմ եւ միշտ եւ յաւիտեանս յաւիտենից: Ամէն:

ԴՊՐ. Անդադար Տէրը պիտի օրհնաբանեմ, անոր օրհներգութիւնը շրթներուս վրայ պիտի ըլլայ շարունակ:

ՔՀՆ. X Օրհնեա՛լ ըլլաք Սուրբ Հո- գիին շնորհքներով: Խաղաղութեամբ գացէք, եւ Տէրը ձեզի՛ բոլորիդ հետ ըլլայ: Ամէն:



ՊԱՇՏՕՆ ՀՈԳԵՀԱՆԳՍՏԵԱՆ

ՍՐԿ. Տիրոջմէ խաղաղութիւն աղերսենք դարձեալ: Ընդունէ՛, Տէ՛ր, փրկէ՛ մեզ եւ ողորմէ՛ մեզի:

ՔՀՆ. Օրհնութիւն եւ փա՛ռք Հօրը եւ Որդիին եւ Սուրբ Հոգիին, այժմ եւ միշտ եւ յաւիտեանս յաւիտենից: Ամէն:

ԴՊՐ. Դուն՝ որ ոչինչէն ստեղծեցիր բո՛լոր գոյութիւնները, ո՛վ Հօրը արարչակից Բան Աստուած, երբոր գաս՝ քու անարատ ձեռքերովդ ստեղծածներդ դատելու, թողութիւն շնորհէ քու ննջեցեալ ծառաներուդ:

Դուն՝ որ կը թագադրես քու սուրբերդ, եւ անվախճան բարիքներ կը բաշխես, երբոր գաս՝ քու անարատ ձեռքերովդ ստեղծածներդ դատելու, թողութիւն շնորհէ քու ննջեցեալ ծառաներուդ:

Կամ

Ո՛վ Տէր, գթա՛ մեր ննջեցեալներուն հոգիներուն եւ ողորմութեամբդ յիշէ՛ զիրենք, որովհետեւ քու սուրբ արեանդ գինով գնեցիր զիրենք: Յիշէ՛, երբ լսուի փողին հրաշալի ձայնը եւ մեռելները ելլեն ու կանգնին քու ահաւոր ատեանիդ առջեւ:

ԴՊՐ. Ալէլուիա, ալէլուիա:

Մեղքերուս խորը ընկղմած՝ քեզ օգնութեան կը կանչեմ, Տէ՛ր. ո՛վ Տէր, լսէ՛ իմ ձայնս, պաղատանքի կանչիս դիմաց ալանջներդ թող բա՛ց ըլլան:

ՍՐԿ. Ալէլուիա՛, ոտքի՛:

ՔՀՆ. X Խաղաղութի՛ւն բոլորին:

ԴՊՐ. Նաեւ քու հոգիիդ:

ՍՐԿ. Երկիւղածութեամբ մտիկ ըրէք:

ՔՀՆ. Յիսուս Քրիստոսի սուրբ Աւետարանը, ըստ Յովհաննէսի (12.24-26):

ԴՊՐ. Փա՛ռք քեզի, Տէ՛ր, մեր Աստուածը:

ՍՐԿ. Ուշադիր եղէք:

ԴՊՐ. Աստուած կը խօսի:

ՔՀՆ. Մեր Տէրը՝ Յիսուս Քրիստոս կ'ըսէ.

Վստահ գիտցէք, որ եթէ ցորենի հատիկը հողին մէջ չիյնայ եւ չմեռնի, ինք որպէս առանձին հատիկ կը մնայ, իսկ եթէ մեռնի՝ բազմաթիւ հատիկներ կու տայ: Ով որ իր անձը կը սիրէ, կը կորսնցնէ զայն, իսկ ով որ իր անձը կ'անտեսէ այս աշխարհի վրայ՝ զայն յաւիտենական կեանքին համար պահած կ'ըլլայ: Ով որ ուզէ ինծի ծառայել պէտք է ինծի հետեւի, եւ ինծի ծառայողը պիտի ըլլայ հոն՝ ուր ես կը գտնուիմ: Եւ Հայրս պիտի պատուէ ինծի ծառայողը:

ԴՊՐ. Քահանաներ ու ժողովուրդ՝ միասնաբար կը խնդրենք քեզմէ, բարեգովթ Տէր. հաւատքով ննջողներուն հետ ընդունէ մե՛զ եւս, որ յարութեան նոյն յոյսը ունինք, վերին Երուսաղէմ քաղաքին մէջ, ուր արդարները կը ժողովուին, որպէսզի անոնց հետ միասին շարունակ փառաբանութի՛ւն երգենք Երրորդութեան երեք անձերուն:

Ընդունէ՛ մեզ վերին Երուսաղէմի մէջ, որ հրեշտակներու բնակարանն է, Եղեմի դրախտը, ուր Ենովք եւ Եղիա աղաւնիի անբծութեամբ վայելչապէս պայծառացած՝ հինէն ի վեր կը գտնուին: Ողորմա՛ծ Տէր, ողորմէ՛ մեր ննջեցեալներու հոգիներուն:

ՔՀՆ. Քրիստոս Աստուած, ողորմէ՛ հանգուցեալ հոգիներուն, հանգչեցո՛ւր զանոնք, եւ թողութի՛ւն շնորհէ մեզի՝ մեղաւորներուս յանցանքներուն:

ՍՐԿ. Տիրոջմէ խաղաղութիւն աղերսենք դարձեալ:

Աղաչենք որ մեր փրկիչը՝ Քրիստոս իր արդարներուն դասակից ընէ հանգուցեալ հոգիները, եւ իր ողորմութեամբը մեզ փրկէ: Ամենակալ Տէր, մեր Աստուածը, փրկէ՛ մեզ եւ ողորմէ՛ մեզի:

ՔՀՆ. Տէր, ողորմէ՛, Տէր, ողորմէ՛, Տէր, ողորմէ՛:

Քրիստոս, Որդի Աստուծոյ, դուն որ ներողամիտ ես եւ բարեգովթ, արարչական սիրովդ զթա՛քու հանգուցեալ ծառաներուդ: Յիչէ՛ զանոնք

այն մեծ Օրը, երբ արքայութեամբդ պիտի գաս: Ողորմութեանդ արժանացուր, քաւէ եւ ներէ՛ անոնց մեղքերը: Չանոնք լոյսովդ պայծառացուր՝ սուրբերուդ հետ միասին, որոնք քու աջակողմդ պիտի դասուին. որովհետեւ դո՛ւն ես բոլորին Տէրն ու արարիչը, ողջերու եւ մեռելներու դատաւորը: Եւ քեզի՛ կը վայելեն փառքը, իշխանութիւնն ու պատիւը, այժմ եւ միշտ եւ յաւիտեանս յաւիտենից: Ամէն: ՔՀՆ. Կ'օրհնենք մեր Տէր Յիսուս Քրիստոսը: Ամէն:

ԴՊՐ. Հայր մեր երկնաւոր, սրբաբանուի՛ անունդ. թող գայ արքայութիւնդ. թող կատարուի քու կամքդ, ինչպէս որ երկինքի մէջ՝ այնպէս ալ երկրի վրայ: Ամենօրեայ մեր հացը այսօր եւս մեզի տուր: Ներէ՛ մեր յանցանքները, ինչպէս որ մենք կը ներենք անոնց՝ որոնք մեզի դէմ նոյնպէս յանցանք գործած են: Եւ թոյլ մի՛ տար որ փորձութեան մէջ իյնանք, այլ՝ մեզ չարէն ազատէ՛:

ՔՀՆ. Որովհետեւ քո՛ւկդ են միշտ՝ արքայութիւնը, զօրութիւնը եւ փառքը: Ամէն:

ԴՊՐ. Անդադար Տէրը պիտի օրհնաբանեմ, անոր օրհներգութիւնը շրթներուս վրայ պիտի ըլլայ շարունակ:

ՔՀՆ. X Օրհնեա՛լ ըլլաք Սուրբ Հոգիին շնորհներով: Խաղաղութեամբ գացէք, եւ Տէրը ձեզի՛ բոլորիդ հետ ըլլայ: Ամէն:

ՅԱԻԵԼՈՒԱԾ

ԼՈՒԱՑՄԱՆ ՍԱՂՄՈՍ 26

Այլելուհա, այլելուհա:

Որպէս նշան անմեղութեան՝ պիտի լուամ ձեռքերս, եւ սեղանիդ շուրջ
դառնալով՝ սպասարկեմ քեզի, Տէ՛ր:

Արդարութիւն ըրէ ինծի, Տէ՛ր, անմեղ եմ ես. քեզի՝ Տիրոջ վստահեցայ, եւ
պիտի չսասանիմ:

Փորձէ գիս, Տէ՛ր, քննէ գիս. քու կրակովդ փորձէ ցանկութիւնները սրտիս
եւ խորհուրդները մտքիս:

Որովհետեւ ողորմութիւնդ չհանեցի ես միտքէս, եւ ապրեցայ՝ միշտ քեզի
հաւատարիմ մնալով:

Անպէտ մարդոց ընկերութիւն չըրի ես, կեղծաւորին հետ բնա՛ւ գործ
չունեցայ:

Ատեցի միշտ հաւաքոյթը չարերուն, ամբարիշտին հետ բարեկամ ես չեղայ:

Որպէս նշան անմեղութեան՝ պիտի լուամ ձեռքերս, եւ սեղանիդ շուրջ
դառնալով՝ սպասարկեմ քեզի, Տէ՛ր,

Գոհութեան երգ պիտի երգեմ ես քեզի, եւ քու բոլոր սքանչելի գործերդ
պիտի թուեմ:

Տէ՛ր, կը սիրեմ վայելչութիւնը տանըդ, այս յարկին՝ ուր քու փառքդ կը
բնակի:

Ամբարիշտներուն եւ ոճրագործին հետը միասին գիս ալ կորուստի մի՛
դատապարտեր:

Անօրէնութեամբ լի են անոնց գործերը, եւ անոնց ձեռքը՝ կաշառքով
լեցուն:

Բայց անմեղ եմ ես, ողորմէ՛ ինծի եւ փրկէ՛ գիս, Տէր:

Անսայթա՛ք պահէ իմ քայլերս միշտ:

Եւ ես խմբուած ժողովուրդիդ հետ՝ քեզ պիտի օրհնաբանեմ:

Փա՛ռք Հօրը եւ Որդիին եւ Սուրբ Հոգիին:

Այժմ եւ միշտ եւ յաւիտեանս յաւիտենից: Ամէն:

ՄԵՂԵԴԻՆԵՐ

Ծննդեան եւ Աստուածածինին

Շուարած եմ մեղքերէս. միայն դո՛ւն կրնաս զիս՝ մեղաւորս ազատել, ո՛վ Տիրամայր: Ո՛հ, կուսական քու կենսատու զօրութենէդ լոկ կաթիլ մը ցօղէ վրաս:

Նախապէս վայելած իմ պատիւէս արժանի կերպով արտաքսուեցայ, եղո՛ւկ ինծի: Ո՛հ, երկիրը փուշ ու տատասկ բուսցուց ինծի՝ ողորմելիս:

Խաչի տօներուն

Մեր Աստուծոյն՝ Տիրոջ նշանը փայլեցաւ Երուսաղէմի մէջ, տօնախմբութեան ընթացքին:

ԽՆԿԱՐԿՈՒԹԵԱՆ ՇԱՐԱԿԱՆՆԵՐ

Ծննդեան ԴԿ.

Մեծ եւ սքանչելի խորհուրդ մը յայտնուեցաւ այսօր. հովիւներ հրեշտակներու հետ կ'երգեն, աւետիս կու տան աշխարհին:

Նոր թագաւոր մը ծնաւ Բեթլեհէմ քաղաքին մէջ. փա՛ռք տուէք, ո՛վ մարդիկ, որովհետեւ մեզի համար մարմնացաւ:

Ան, զոր ո՛չ երկինքը եւ ոչ ալ երկիրը կրնային բովանդակել, խանձարուրի մէջ փաթթուեցաւ. առանց Հօրմէն բաժնուելու՝ սուրբ քարայրին մէջ բազմեցաւ:

Զատիկին ԱԶ.

Այսօր երկնաւոր անմահ Փեսան յարութիւն առաւ մեռելներէն. քեզի ուրախ աւետիս, ո՛վ երկրաւոր հարս՝ եկեղեցի. ցնծութեամբ օրհներգէ՛ք ու Աստուածդ, ո՛վ Սիրոն:

Այսօր Լոյսէն ծնած անպատմելի Լոյսը լուսաւորեց գաւակներդ, ո՛վ Երոսաղէմ․ լուսաւորուէ՛, որովհետեւ քու լոյսդ՝ Քրիստոս յարուժիլն առաւ․ ցնծութեամբ օրհներգէ՛ քու Աստուածդ, ո՛վ Սիոն:

Այսօր անգիտութեան խաւարը փարատեցաւ երեքանձնեայ Լոյսովը, որովհետեւ մեռելներէն յարուժիլն առած Քրիստոսը Աստուծոյ գիտութեան լո՛յսը բերաւ քեզի․ ցնծութեամբ օրհներգէ՛ քու Աստուածդ, ո՛վ Սիոն:

Սուրբ Աստուածածինի Վերափոխումին ԴԶ.

Այսօր սուրբերը, առաքեալներն ու սուրբ կոյսերը մէկտեղուած, պայծառ զգեստներով զարդարուած ու ջահեր բռնած, իրենց լապտերները կը վառէին, եւ միաձայն կ'ըսէին՝ «Օրհնեա՛լ ես, կիներուն մէջ ամենօրհնեալդ»:

Այսօր սուրբ Կոյսը գերեզմանի մուտքին դրին, եւ կը սպասէին որ Տէրը ինք գայ․ եւ ահա, երկինքի մէջ տեսան Արարիչը, որ հրեշտակներու բազմութեամբ կու գար․ անոնք միաձայն կ'ըսէին՝ «Օրհնեա՛լ ես, կիներուն մէջ ամենօրհնեալդ»:

Այսօր տեսան սուրբ Կոյսը՝ որ օդին մէջ կը թռչէր եւ ամպեղէն կառքով երկինք կը համբառնար, իմաստուն կոյսերուն հետ երկնային խորանները մտնելով․ եւ միաձայն կ'ըսէին՝ «Օրհնեա՛լ ես, կիներուն մէջ ամենօրհնեալդ»:

Խաչվերացին ԱԶ.

Անարատ բազուկներդ խաչին վրայ տարածեցիր, Քրիստոս Աստուած, եւ գայն մեզի տուիր իբրեւ յաղթութեան նշան․ ասով պահպանէ՛ մեր կեանքը:

Քու բազկատարած աշխարհակեցոյց խաչդ, Քրիստոս Աստուած, իբրեւ զօրութեան գաւազան տուիր մեզի․ ասով պահպանէ՛ մեր կեանքը:

Յանցանքի ծառին ճաշակումով մեռածը կեանքի ծառովդ կենդանացուցիր․ ասով պահպանէ՛ մեր կեանքը:

ԺԱՄԱՄՈՒՏՆԵՐ

**Ծննդեան Ճրագալոյցին
եւ Աստուածածնի Վերափոխումին**

**Ո՛վ Աստուածածին, որ առանց հարսնանալու՝ անսկիզբ Բանը՝
անչօչափելի Աստուածը յղացար եւ ծնար, անբովանդակելին գիրկիդ մէջ
կրելով: Մեզի համար անդադար բարեխօսէ՛ անոր:**

Ծննդեան

**Աստուածածին կը դաւանի քեզ ուղղափառ եկեղեցին եւ կ'երկրպագէ,
որովհետեւ ան՝ որուն բազմաչեայ քերովբէները, հրանիւթ հրեշտակները
եւ վեցթեւեան սերովբէները նայիլ իսկ չէին համարձակեր, դուն՝
աղախինդ, անապական արգանդիդ մէջ առանց սերմի կրեցիր գայն՝ Տէրը,
եւ որպէս մարդ ծնար բոլորին Աստուածը, անպատմելի Բանը, որ քեզմէ
մարմնացաւ՝ աշխարհը փրկելու եւ մեզի կեանք պարգեւելու համար:**

Զատիկին

**Քրիստոս յարութիւն առաւ մեռելներէն, իր մահով մահը նուաճեց, եւ իր
յարութեամբ մեզի կեանք պարգեւեց: Անոր փա՛ռք յաւիտեան: Ամէն:**

Խաչի տօներուն

**Պատուական եւ ամենայաղթ խաչիդ առջեւ խոնարհելով կ'երկրպագենք,
եւ մեր յանցանքներուն թողութիւն կը խնդրենք, որովհետեւ այս խաչով
էր որ մարդկութեան դատապարտութիւնը ջնջեցիր: Հիմա եւս,
աստուածային քու սուրբ նշանիդ սիրոյն՝ երկնային խաղաղութիւնդ
չնորհէ ամբողջ աշխարհին:**

Եկեղեցւոյ տօներուն

**Խաղաղութիւն շնորհէ քու սուրբ եկեղեցիիդ, ո՛վ Քրիստոս, թշնամիներու
յարձակումներուն դիմաց գայն խաղաղ եւ անսասան պահէ, եւ**

ընդհանրական եկեղեցին մէկ հաւատքի մէջ հաստատէ, որովհետեւ դո՛ւն ես մեր Տէրը եւ Աստուածը, փրկէ՛ մեզ:

ՃԱՇՈՒ ՇԱՐԱԿԱՆՆԵՐ

Ծննդեան ԱԶ.

**Սուրբ Աստուածածինը օրհներգութեամբ կը գովաբանենք:
Աւետարեւր հրեշտակը կ'աւետէր սուրբ Կոյսէն ծնելիք Փրկիչը:**

Կ'ըսէր. «Ուրախացի՛ր, շնորհալի՛ կոյս, որովհետեւ տէրերու Տէրը քեզի հետ է»:

Յարույթեան ԱԶ.

Միասնաբար երգով բարբերանենք Քրիստոսը, փառքի Թագաւորը, որ մեզի համար սուրբ Կոյսէն մարմնացաւ եւ խաչը յանձն առաւ:

Միասնաբար երգով բարբերանենք ան՝ որ յանձն առաւ երեք օր թաղուիլ, եւ իշխանաբար յարույթիւն առաւ մեռելներէն:

Միասնաբար երգով բարբերանենք ան՝ որ իր զօրութեամբ մեռելներու աշխարհին դռները խորտակեց եւ մեծ վայելչութեամբ զարդարեց իր եկեղեցին:

Յարույթեան ԱԿ.

Աստուած հեթանոս ազգերուն վրայ թագաւորեց, եւ լուսազարդեց ու պայծառացուց իր եկեղեցին. ժողովուրդնե՛ր, բարբերանեցէ՛ք Քրիստոսը: Տէրը իր զօրութիւնը ցոյց տը՛ւաւ, որովհետեւ խաչին վրայ իր սուրբ մահով մահուան խայթոցը ջնջեց. ժողովուրդնե՛ր, բարբերանեցէ՛ք Քրիստոսը:

Աստուած յարույթիւն առաւ, եւ ամբողջ տիեզերքը նորափետուր զարդարուեցաւ, եւ Աստուծոյ զաւակները Կենարարին մարմինով եւ արիւնով հաղորդուեցան. ժողովուրդնե՛ր, բարբերանեցէ՛ք Քրիստոսը:

Յարույթեան ԲԶ.

Օրհներգենք յաւիտենական Թագաւորը, որ Կոյսէն մարմնացաւ եւ աշխարհը անսասանելի հաւատքի վրայ հաստատեց: Փա՛ռք իրեն, այժմ եւ յաւիտեան:

Ինք՝ Բան Աստուածը կամաւորաբար յանձն առաւ խաչի վրայ մեռնիլ, եւ իր սուրբ արիւնը թափեց տիեզերքի փրկութեան համար: Փա՛ռք իրեն, այժմ եւ յաւիտեան:

Աստուածապէս յարուցիւն առնելով նորափոր ժայռէն՝ իր սուրբ եկեղեցին լուսազարդեց, որպէսզի փառաւորուի եւ գովուի իր անունը: Փա՛ռք իրեն, այժմ եւ յաւիտեան:

Յարույթեան ԲԿ.

Բարձունքներուն մէջ օրհներգութի՛ւն Կոյսէն ծնած մեր Թագաւորին:

Ալէլուիա՛, ալէլուիա՛:

Բարձունքներուն մէջ օրհներգութի՛ւն անսասանելի եւ հաստատուն մեր յոյսին: Ալէլուիա՛, ալէլուիա՛:

Բարձունքներուն մէջ օրհներգութի՛ւն անբաժանելի եւ միասնական Սուրբ Երրորդութեան: Ալէլուիա՛, ալէլուիա՛:

Յարույթեան ԳԶ.

Օրհներգութեամբ բարբառնեցէք Քրիստոս թագաւորը, ո՛վ բոլոր աշխարհ:

Երգով գոհութիւն մատուցէք երկինքն ու երկիրը Արարողին, ո՛վ բոլոր աշխարհ:

Յաւիտեան պատիւ եւ երկրպագութիւն մատուցանենք Երրորդութեան, մէկ Աստուածութեան: Ամէն:

Յարույթեան ԳԿ.

Ո՛վ Քրիստոս, քու աստուածութեանդ լոյսով լուսաւորեցիր սուրբ եկեղեցին. զայն անշա՛րժ պահէ յաւիտեան:

Այսօր Երրուսաղէմը հաւատա- ցեալներու բազմութեամբ եկեղեցւոյ նաւակատիքը կը տօնէ՝ գայն անշա՛րժ պահէ յաւիտեան:

Ահա Նոր Սիոնը հաւատքի դռները բացաւ, որպէսզի իր առագաստը ընդունի քեզ՝ անմահ Փեսաղ, որ մարմինդ եւ արիւնդ կը բաշխես. գայն անշա՛րժ պահէ յաւիտեան:

Յարութեան ԴՁ.

Քրիստոս Թագաւոր, Հօրը եւ Հոգիին հակիցը, որ մեզի համար սուրբ կոյսէն մարմնացար. փա՛ռք քեզի, Քրիստոս, փառքի Թագաւոր:

Քու կամաւոր մահուամբդ մահը մեռցուցիր, եւ անապական յարութեամբդ աշխարհը նորոգեցիր. փա՛ռք քեզի, Քրիստոս, փառքի Թագաւոր:

Կենդանարար արիւնովդ սուրբ եկեղեցին լուսաւորեցիր, հրեշտակներուն հետ կ'օրհնեցենք քեզ, ըսելով. փա՛ռք քեզի, Քրիստոս, փառքի Թագաւոր:

Յարութեան ԴԿ.

Քու անսահման յաղթող զօրութեամբդ երկինքի եւ երկրի Թագաւորն ես, Քրիստոս Աստուած. կ'օրհնաբանենք քեզ:

Դուն, Հօրը փառակիցը, որ անմահ- ներուն կողմէ կ'օրհնաբանուիս, ինքզինքդ խոնարհեցնելով մարմին առիր, փառքի՛ Թագաւոր. կ'օրհնաբանենք քեզ:

Դուն՝ Հզօրդ, մահը նուաճեցիր, եւ յարութիւն առնելով՝ սուրբ եկեղեցին լուսաւորեցիր, անմա՛հ էութիւն. կ'օրհնաբանենք քեզ:

Աստուածածինի Վերափոխումին ԲՁ.

Անթառամ ծաղիկն ես դուն, դատապարտութենէ գերծ շառաւիղը Եւայի, որ Յեսսէի արմատին վրայ բուսար: Քե՛զ էր որ Եսայի կանուխէն յայտարարեց որպէս ընդունարանը Սուրբ Հոգիին եօթնատեսակ շնորհներուն, ո՛վ Աստուածածին կոյս, կը գովաբանենք քեզ: Համեղաճաշակ պտուղին բանաւոր որթատունկը եղար, եւ մեզի տուիր անսպառելի ողկոյզը, որպէսզի ուրախանան բոլոր անոնք՝ որոնք

գիտութեան ծառին ճաշակումով տրտմած էին. ո՛վ անարատ Սրբուհի,
բոլորս կը գովաբանենք քեզ:

Մարմնովդ, որով անարատ կեանք մը վարեցիր, եւ որ այսօր
առաքեալներուն կողմէ ամփոփուեցաւ ու պատանքուեցաւ, երկնային
հրահանգով փոխադրուեցար քու որդիիդ եւ մեր Աստուծոյն
արքայութիւնը. ո՛վ բարեխօս քեզ դաւանողներուս, կը գովաբանենք քեզ:

Խաչի տօնին ԳԿ.

Յաղթական նոր օրհներգութիւն երգենք միշտ, հաւատացեա՛լ ժողովուրդ,
բարձունքներուն մէջ նստող թագաւորին՝ Քրիստոսի:

Անոր՝ որ եկաւ լուսաւորելու իր ընտրած սուրբ եկեղեցին, զոր սուրբ
խաչովը պսակեց. երգով փառաւորենք զայն:

Այսօր մենք եւս սուրբ խաչին նաւակատիքը կը տօնենք եւ յաւէտ փառք ու
պատիւ կ'ընծայենք Փրկիչին:

ՃԱՇՈՒ ԱԼԷԼՈՒՔՆԵՐ

Ծննդեան

Ալէլուիա, ալէլուիա:

Յաւիտեաններէն առաջ Հօրմէն ծը- նած Որդին, օծեալ Տէրը, այսօր
Դաւիթի ծննդավայր քաղաքին մէջ ծնաւ:

Մեծ Պահքին (Սաղմոս 100)

Ալէլուիա, ալէլուիա:

Տիրոջ աղաղակեցէք, ամբողջ աշխարհ: Ուրախութեամբ ծառայեցէք
Տիրոջ:

Ցնծութեամբ եկէք անոր ներկայութեան: Գիտցէք, թէ Տէրը ի՛նքն է
Աստուածը:

Ա՛ն մեզ ստեղծեց, եւ մենք անորն ենք. իր ժողովուրդն ենք, այն հօտը՝ որ
ի՛նք կ'արածէ:

Գոհաբանութեամբ մտէք անոր տաճարը, օրհներգութեա՛մբ մտէք անոր
չրջափակէն ներս:

Շնորհակալութիւն յայտնեցէք իրեն, օրհներգեցէ՛ք իր անունը:
Բարի է Տէրը, անոր սէրը յաւերժական է:
Եւ բոլոր սերունդներուն կը ցուցաբերէ իր հաւատարմութիւնը:
Ձատիկի Յինանց (Սղ. 147)

Ալէլուիա, ալէլուիա:
Գովաբանէ՛ Տէրը, ո՛վ Երուսաղէմ:

Օրհնութիւն երգէ քու Աստուծոյդ, ո՛վ Սիոն:

Աստուած ի՛նքն է որ ամրափակ կը պահէ դարպասներդ, եւ կ'օրհնէ քու մէջդ բնակող զաւակներդ:

Սահմաններդ խաղաղ կը պահէ, ընտիր ցորենով կը կերակրէ քեզ:

Հրաման կ'արձակէ երկրին, եւ իր պատգամը անմիջապէս տեղ կը հասնի:
Ձիւն կը պարգեւէ բուրդի պէս, եղեամ կը ցանէ մոխիրի պէս:
Կարկուտ կը թափէ պատառներու պէս. անոր պատճառած ցուրտին ո՞վ կրնայ դիմանալ:
Դարձեալ հրամանով մը կը հալեցնէ սառույցները, փչել կու տայ հովերուն,
հոսիլ կու տայ ջուրերուն:

Իր խօսքը կը յայտնէ Յակոբի սերունդներուն, իր կանոններն ու
օրէնքները կը յայտնէ Իսրայէլի որդիներուն:
Ուրիշ ոեւէ ազգի այսպիսի բան չորրաւ Տէրը:
Ուրիշ ոեւէ ազգի չյայտնեց իր օրէնքները:

Աստուածածինի Վերափոխումին

Ալէլուիա, ալէլուիա:
Սուրբ Հոգին քեզի պիտի գայ, եւ Բարձրեային զօրութիւնը քու վրադ
պիտի հանգչի:
Խաչի եւ Եկեղեցւոյ տօներուն

Ալէլուիա, ալէլուիա:

Քու լոյսդ ծագեցուցիր մեր վրայ, եւ մեր սրտերուն ուրախութիւն պարգեւեցիր:

Կամ

Ալէլուիա, ալէլուիա:

Ի՛նչ սիրելի է տաճարդ, ամենակալ Տէր, ամբողջ հոգիով կը ցանկամ եւ կը փափաքիմ գաւիթներուդ մէջ բնակիլ:

ՍՐԲԱՍԱՑՈՒԹԻՒՆՆԵՐ

Ծննդեան, Վարդավառին եւ Աստուածածինին

Հրեշտակներու եւ երկնային զօրքերու բազմութիւնները, որոնք միածին Թագաւորին հետ երկինքէն վար իջան,

Մեր գէղարկութիւնը ու կ'ըսէին. «Աստուծոյ Որդին է սա»: Մենք ալ բոլորս ըսենք.- Ուրախացէ՛ք, երկինքնե՛ր, թող ցնծան աշխարհի հիմերը, որովհետեւ յաւիտենական Աստուածը երկրի վրայ յայտնուեցաւ եւ մարդոց հետ ապրեցաւ, որպէսզի մեզ փրկէ:

**Ձատիկին, Յինանց,
Համբարձման եւ Խաչի տօներուն**

**Ո՞վ կայ մեր Տէր Աստուծոյն նման, որ մեզի համար խաչուեցաւ,
Թաղուեցաւ,**

Մեզ յարութիւն առաւ, աշխարհի մէջ հաստատուեցաւ, եւ փառքով համբարձաւ: Եկէ՛ք, ժողովուրդնե՛ր, հրեշտակներուն հետ փառաբանութիւն երգենք իրեն, ըսելով.- Սո՛ւրբ, սո՛ւրբ, սո՛ւրբ ես, Տէ՛ր, մեր Աստուածը:

ՇԱՐԱԿԱՆ ԵԿԵՂԵՑԻՈՅ ԳՁ.

Ուրախացի՛ր, սուրբ եկեղեցի, որովհետեւ Քրիստոս՝ երկնաւոր արքան, այսօր իր խաչով պսակեց քեզ եւ իր սքանչելի փառքով զարդարեց պարիսպներդ:

Մեծապէ՛ս ուրախացիր, Սիոնի՛ դուստր, որովհետեւ այսօր երկիրը երկինք եղաւ վերստին նորոգուելովդ, եւ երկնաւոր Թագաւորը հաճեցաւ քու մէջդ բնակիլ:

Երկնաւոր զօրքերու գունդերուն հետ վերացած՝ այսօր անդադար քեզ փառաբանելով կ' ուրախանանք. անքըն- նելի քու խորհուրդովդ ուրախացի՛ր, անարատ հարս:

ԹԱՐԳՄԱՆՉԱՅ ՇԱՐԱԿԱՆ ԱԿ.

Անոնք տնօրինաբար զարդարեցին անստեղծ Աստուծոյ իմաստութիւնը՝ կենդանի գիրքը երկրի վրայ հաստատելով, հովուելու համար նոր Իսրայէլի հօտը, քաղցրահունչ երգով զԱստուած օրհնաբանենք:

Անոնք երկրաւոր փառքի ճոխութիւնը խաւար համարեցին, անմահ փեսային յոյսին ապաւինելով անպատմելի Բանին արժանի եղան. քաղցրահունչ երգով զԱստուած օրհնաբանենք:

Անոնք Հօր՝ անստեղծ Է-ին իմաստութեան զօրութեամբ ամրացուցին սուրբ Գրիգորի աթոռը՝ Սուրբ Գիրքերուն թարգմանութեամբ. քաղցրահունչ երգով զԱստուած օրհնաբանենք:

ՎԱՐԴԱՆԱՆՑ ՇԱՐԱԿԱՆ ԴԿ.

Նորահրաշ կերպով թագադրուած եւ առաքինիներու զօրագլուխ, ո՛վ Վարդան, Սուրբ Հոգիին զէնքով արիաբար զինուեցար մահուան դէմ. դո՛ւն, քաջ նահատակ, թշնամին վանեցիր եւ վարդագոյն արիւնովդ եկեղեցին պսակեցիր:

Խոհական իմաստութեամբ անճառապէս խոհեմացած Խորէնը՝ իմաստուն եւ բարի անունով ճանչցուած, երկնաւոր թագաւորին զէնքով պատերազմ

մղեց եւ յաղթեց, անիկա խաչեային վկայ եղաւ եւ արեան հեղումով պսակուեցաւ:

Աստուածային լոյսով լեցուած արիացած քաջ Արտակը, աղբերացող արիւնին բոսոր կարմրութեամբ թաթաւուն՝ փրկական բաժակը ըմպեց եւ իր արիւնով մկրտուեցաւ, հրեշտակներուն դասակցեցաւ՝ երգելու համար Երրորդութեան փառքը:

ՂԵՒՈՆԴԵԱՆՑ ՇԱՐԱԿԱՆ ԴԿ.

Ո՛վ արդարութեան արեգակ, Հայաստանի մէջ ծագելով սուրբերու արիւնին հեղումով պայծառացուցիր սուրբ եկեղեցին. անոնց աղօթքով խնայէ՛ մեզի, բարիքներու պարգեւատու, եւ ողորմէ՛ քու արարածներուդ: Պանծալի սուրբ զաւակներուն օգնութեամբ արթուն հովիւները, Սուրբ Հոգիին հուրով մարեցին կրակապաշտ պարսիկներուն կրակը. անոնց աղօթքով խնայէ՛ մեզի, բարիքներու պարգեւատու, եւ ողորմէ՛ քու արարածներուդ:

Պարթեւ տեսանողը աստուածային նախազդեցութեամբ սուրբ Գրիգորի հաւատքի որդիները պսակազարդուած տեսաւ. անոնց աղօթքով խնայէ՛ մեզի, բարիքներու պարգեւատու, եւ ողորմէ՛ քու արարածներուդ: